



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/13.

Datum: _____.2013. godine

PRIJEDLOG

Na osnovu člana 14. Statuta Općine Tešanj («Službeni glasnik Općine Tešanj» broj 11/07) i člana 40. Poslovnika o radu Općinskog vijeća Tešanj («Službeni glasnik Općine Tešanj» broj 7/08, 1/12 i 7/12), Općinsko vijeće Tešanj na svojoj ___ sjednici održanoj dana _____. godine donijelo je

**PROGRAM RADA
OPĆINSKOG VIJEĆA TEŠANJ ZA 2014. GODINU**

I – UVOD

Program rada Općinskog vijeća Tešanj za 2014. godinu proizlazi iz prava, dužnosti i nadležnosti Vijeća, utvrđenim Ustavom, Zakonom i Statutom Općine, kao i aktivnosti koje proizlaze iz Programa rada, koji čini pitanja iz djelokruga Vijeća koja će se razmatrati na sjednicama Vijeća.

Program rada Vijeća svojim osnovnim sadržajem usmjeren je na određene teme koje se planiraju razmatrati na sjednicama Vijeća, kako u vidu normativno-pravnog regulisanja pitanja iz samoupravnog djelokruga Općine, tako i tematsko-izvještajnog djelokruga aktivnosti Vijeća.

Općinsko vijeće će, takođe, na osnovu prijedloga ovlaštenih predlagača, razmatrati i pitanja koja proističu iz podijeljene nadležnosti između Općine i viših nivoa vlasti.

II – SADRŽAJ PROGRAMA

Općinsko vijeće Tešanj će u 2014. godini razmatrati:

A) period januar – mart:

- Odluka o zaštitnim zonama i zaštitnim mjerama izvorišta “Studenac” na mjesnom vodovodu “Ponikva”Šije
- Odluka o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2014. godini,
- Odluka o usvajanju Liste kapitalnih projekata za budžetsku 2014. godinu,
- Izvještaj o radu Općinskog pravobranilaštva za 2013. godinu,
- Izvještaj o radu Općinskog vijeća za 2013. godinu,
- Izvještaj o realizaciji kapitalnih projekata za 2013. godinu,
- Izvještaj Općinskog načelnika za period od 01.01. do 31.12.2013. godine,
- Informacija o stanju poljoprivrede i realizaciji općinskog poticaja na području općine Tešanj u 2013.godini
- Informacija o izvršenom deminiranju, trajnom obilježavanju i uklanjanju NUS-a u 2013. godini na području općine Tešanj,
- Informacija o radu mjesnih zajednica za 2013. godinu,
- Informacija o radu nevladinih organizacija na općini Tešanj za 2013. godinu,
- Informacija o radu Općinskog suda Tešanj za 2013. godinu,
- Informacija o stanju bezbjednosti na području općine Tešanj za 2013. godinu,
- Informacija o realizaciji Strategije općine Tešanj,
- Informacija o prikupljenim i utrošenim sredstvima naknade za vatrogastvo.

B) period april – juni:

- Izvještaj o izvršenju Budžeta za 2013. godinu,
- Informacija o poslovanju javnih preduzeća na području općine Tešanj u 2013. godini (Izvještaj o poslovanju JP Toplana, Izvještaj o poslovanju JP “Rad”, Izvještaj o poslovanju JP TRA) ,

- Informacija o radu i poslovanju javnih ustanova čiji je osnivač Općina Tešanj za 2013. godinu (Izveštaj o radu JU Opća Biblioteka, Izveštaj o radu JU Centar za socijalni rad, Izveštaj o radu JZU Apoteka "Tefarm", Izveštaj o radu JZU Opća bolnica Tešanj, Izveštaj o radu JU Centar za kulturu i obrazovanje, Izveštaj o radu JZU Dom zdravlja "Izudin Mulabećirović Izo" Tešanj, Izveštaj o radu JU Sportsko-rekreacioni centar Tešanj, Izveštaj o radu JU Muzej Tešanj),
- Informacija o stanju organizovanosti zaštite i spašavanja na području općine Tešanj za 2013. godinu,
- Informacija o organizovanosti i provođenju zaštite od požara na području općine Tešanj u 2013. god.,
- Informacija o ostvarivanju prava pripadnika boračkih populacija putem Službe za boračko-invalidsku zaštitu,
- Informacija o zimskom održavanju lokalnih puteva na području općine Tešanj za sezonu 13/2014. godina.

C) period juli – septembar:

- Izveštaj o izvršenju Budžeta za I polugodište 2014. godine,
- Izveštaj o radu Općinskog vijeća za period 01.01. – 30.06.2014. godine,
- Informacija o stanju bezbjednosti na području općine Tešanj za I polugodište 2014. godine i bezbjednosti i učesnika u saobraćaju na području općine Tešanj.
- Informacija o radu Zavoda za zapošljavanje - Biro Tešanj i „radu na crno“ na području općine Tešanj za 2013. godinu.

D) period oktobar - decembar:

- Nacrt Budžeta Općine Tešanj za 2015. godinu,
- Budžet Općine Tešanj za 2015. godinu,
- Odluka o izvršavanju Budžeta za 2015. godinu,
- Program rada Općinskog vijeća za 2015. godinu,
- Odluka o odobravanju finansijskih sredstava za dodjelu stipendija redovnim studentima za akademsku 2014/2015. godinu,
- Svečana sjednica Općinskog vijeća Tešanj povodom „10. decembra – Dan grada Tešnja“,
- Informacija o završetku školske 2013/2014. godine i upisu učenika u školsku 2014/2015. godinu u osnovnim i srednjim školama na području općine Tešanj,
- Informacija o socijalnoj zaštiti na području općine Tešanj (položaj građana u socijalnoj potrebi, i djece i omladine sa posebnim potrebama),
- Informacija o rješavanju statusa izbjeglih i raseljenih lica na području općine Tešanj,
- Informacija o radu Zdravstvenog savjeta općine Tešanj.

III

Zadaci utvrđeni Programom rada Općinskog vijeća su samo okvirni i određeni u minimumu.

Ovlašteni predlagači se ovim Programom ne ograničavaju, nego od njih Vijeće očekuje nove inicijative i prijedloge tokom 2014. godine, koji će se, po podnošenju na Vijeće, po proceduri propisanoj Poslovníkom o radu Vijeća, uvrštavati u dnevni red sjednica i voditi rasprava o istim.

Redovne sjednice Općinskog vijeća se održavaju, u principu, jednom mjesečno, a po potrebi i češće, dok se vanredne sjednice sazivaju prema ukazanim potrebama, s tim da dnevni red za sjednice Vijeća, u principu, ne bi trebao prelaziti 10 tačaka.

Predlagač i obrađivač materijala su obavezni pridržavati se rokova iz Programa prilikom izrade materijala iz svoje nadležnosti, te materijale blagovremeno dostavljati Stručnom odjelu Općine.

DOSTAVLJENO:

1. Općinski načelnik,
2. Svim službama (1-5),
3. Općinsko pravobranilaštvo,
4. Općinsko vijeće,
5. a/a

PREDSJEDAVAJUĆI VIJEĆA

Fuad Šišić, dipl.ing.maš.

O B R A Z L O Ž E N J E

I - PRAVNI OSNOV:

Pravni osnov za donošenje ovog Programa sadržan je u člana 14. Statuta Općine Tešanj («Službeni glasnik Općine Tešanj» broj 11/07) i članu 40. Poslovnika o radu Općinskog vijeća Tešanj («Službeni glasnik Općine Tešanj» broj 7/08, 1/12 i 7/12) u kome je regulisano da Vijeće donosi Program rada za kalendarsku godinu, po pravilu, do početka godine.

II - RAZLOZI ZA DONOŠENJE:

Programom rada Vijeća za 2013. godinu je planirana rasprava o prijedlogu Programa rada Vijeća za 2014. godinu.

Osnovna aktivnost Općinskog vijeća u realizaciji njegovih propisima utvrđenih nadležnosti odvija se putem sjednica Vijeća na kojima vijećnici utvrđuju općinsku politiku po pitanjima iz samoupravnog djelokruga Općine, razmatraju teme i pitanja iznesena na dnevni red sjednica, vode rasprave, donose odluke i druge akte iz nadležnosti Općinskog vijeća, usvajaju izvještaje i informacije, te donose zaključke i smjernice za rad Općinskog načelnika i općinskih službi za upravu.

Značajan dio aktivnosti Općinskog vijeća odvija se u vidu rada klubova vijećnika i radnih tijela, tj. komisija Vijeća, a u funkciji pripreme i realizacije osnovne aktivnosti Vijeća koja se odvija kroz sjednice.

Konsultativni sastanci klubova vijećnika i općinskih rukovodstava parlamentarnih političkih stranaka se održavaju u pripremi sjednica Općinskog vijeća, na kojima se kroz međustranačko dogovaranje vrši utvrđivanje dnevnog reda za sjednice Vijeća, usklađuju stranački interesi i pristupi u pogledu tema i pitanja o kojima se na Vijeću odlučuje ili zauzimaju stavovi pri utvrđivanju općinske politike u datoj oblasti.

Radna tijela Vijeća – komisije, u okviru svog propisanog djelokruga, prethodno razmatraju prijedloge akata drugih predlagača koji se iznose na sjednice Vijeća i zauzimaju stavove o podnesenim prijedlozima sa kojima upoznaju Vijeće, takođe i neposredno kao predlagači pripremaju pojedine akte za odlučivanje na Vijeću. Komisije Vijeća vrše stručnu obradu i praćenje određenih oblasti u okviru nadležnosti Općinskog vijeća, odnosno postupaju po zaključcima Vijeća u ostvarivanju utvrđene općinske politike.

Pri izradi Programa rada Općinsko vijeće treba imati u vidu da će i Program rada i aktivnosti organa vlasti na nivou Kantona, kao i organa lokalne samouprave na nivou općine, takođe u određenoj mjeri usloviti i opredijeliti rad Općinskog vijeća, koje će po toj osnovi stavljati na dnevni red ona pitanja i donositi propise i druge akte kako to bude utvrđeno i predviđeno od strane viših nivoa državne vlasti u Kantonu, odnosno inicirano od organa lokalne samouprave na nivou općine.

Takođe, određena pitanja izvan utvrđenog Programa rada nužno će se pojavljivati u tekućoj djelatnosti službi i organa Općine, koja će svojim značajem i urgentnošću zahtijevati odgovarajuće angažovanje Vijeća u okviru propisanih nadležnosti. Ovo, u principu, ne bi trebalo da stvara probleme kod realizacije aktivnosti Vijeća, pošto je u pripremama pojedinih sjednica Vijeća moguće pravovremeno preciznije odrediti karakter i sadržaj takvih akata i obaviti sve pripreme radnje za njihovo kvalifikovano uključivanje u rad Vijeća u skladu sa proceduralnim uslovima koje nalaže Poslovnik o radu Vijeća.

Na osnovu iznesenog mogu se odrediti osnovne tematske cjeline iz redovnih aktivnosti i nadležnosti Općinskog vijeća koje treba da sadrži Program rada Vijeća za 2014. godinu:

- usvajanje Izvještaja o izvršenju Budžeta za 2013. godinu, te praćenje toka realizacije Budžeta za 2014. godinu;
- razmatranje izvještaja o radu javnih preduzeća i ustanova čiji je osnivač Općina za 2013. godinu;
- donošenje propisa i akata koje predlaže Općinski načelnik i razmatranje određenih pitanja koji proizlaze iz programa rada organa izvršne vlasti u Općini;
- razmatranje informacija o pitanjima iz samoupravnog djelokruga Općine i donošenje odgovarajućih stavova i smjernica za postupanje općinskih organa i službi u rješavanju određenih pitanja tretiranih u ovim informacijama;
- usvajanje izmjena i dopuna Poslovnika o radu Općinskog vijeća Tešanj u skladu sa postojećom zakonskom regulativom.

Program rada Vijeća za 2014. godinu u pogledu dinamike razrađen je po kvartalima, kako je to i do sada činjeno, čime se preciznije definira dinamika rada Vijeća i obaveze nosilaca određenih poslova, kao i težište sadržaja rada, odnosno obaveza koje se moraju realizovati u određenom periodu tekuće godine.

P R E D L A G A Č:
PREDSJEDAVAJUĆI VIJEĆA
Fuad Šišić, dipl.ing.maš.

Broj: 01-49-2-2971-2/13
Datum: 13.12.2013. godine

